

# Canllawiau Windfall i ymgeiswyr - 2026



## Ymddiriedolaeth Ynni Cymunedol Canolbarth Cymru (Windfall)

Amcan rhaglen Windfall (Ymddiriedolaeth Ynni Cymunedol Canolbarth Cymru) yw cysylltu enillion ynni adnewyddadwy ag adfywio cefn gwlad trwy brosiectau cynaliadwyedd yng nghymunedau'r canolbarth. Cyflawnwn hyn trwy ddarparu arian ar gyfer prosiectau cymunedol addas, gan ddefnyddio arian a ddarperir yn wirfoddol gan ddatblygwyr cynhyrchu ynni a datblygiadau eraill.

Ar hyn o bryd, daw'r arian sydd ar gael i Windfall (Ymddiriedolaeth Ynni Cymunedol Canolbarth Cymru) gan Amegni Ltd, sydd biau Ffermydd Wynt Carno. Mae cymorthdaliadau ar gael ar gyfer prosiectau ynni adnewyddadwy a chamau effeithlonrwydd ynni, a phrosiectau addysgiadol a chynaliadwy, yng nghymunedau Maldwyn - gyda blaenoriaeth i ardaloedd cynghorau cymuned Carno, Caersws, Trefeglwys, Dwyriw, Llanbryn-mair a Llanerfyl.

**Sylwch: o Orffennaf 2025 bu'n rhaid inni gau ceisiadau am brosiectau y tu allan i'r chwe chymuned a restrir uchod, hyd 2027.**

Mae gennym ragor o ddiddordeb mewn pwy sy'n cael budd o brosiectau nag ym mhle mae'r grŵp ymgeisiol wedi'i leoli. Felly er y rhoddir blaenoriaeth i sefydliadau sydd y tu mewn i'r chwe chymuned eu hunain, gall sefydliadau eraill sy'n *cyflawni* prosiectau yno ymgeisio hefyd.

\*\*\*\*\*

### **Llenwi'r ffurflen – SICRHEWCH FOD CHI'N DEFNYDDIO FERSIWN 2026**

a) Mae rhai cwestiynau'n bwysicach ar gyfer prosiectau mwy nag ar gyfer rhai sy'n costio llai, ac ar gyfer y rhai fydd yn creu enillion ar gyfer yr ymgeisydd. Os ydych yn *sicr* bod cwestiwn yn amherthnasol i chi, ysgrifennwch 'Amherthnasol' neu 'Amh.'. Ond os nad ydych yn rhoi gwybodaeth y mae ei hangen gan y Panel Cymhorthdal, mae perygl y gwrthodir eich cais am y rheswm hwnnw. Os nad ydych yn sicr, gofynnwch i Asiantaeth Ynni Seren Wae am ragor o arweiniad.

b) Defnyddiwch y Gymraeg neu'r Saesneg fel y mynnwch. Oni bai i chi ddweud wrthym fel arall, gohebw'n â chi yn yr iaith a ddefnyddiwyd gennych.

#### **c) Cwestiwn 2.1 Statws Cyfreithiol**

Rhaid i bob ymgeisydd fod â chyfansoddiad ysgrifenedig sy'n disgrifio trefn y grŵp. Mae arnom angen gwybod a ydych wedi ei gofrestru â'r Comisiwn Elusennau, Tŷ'r Cwmnïau a/neu'r Awdurdod Ymddygiad Ariannol. Bydd dewis o restr y gwymplen yn

*Mid Wales Community Energy Trust is registered in Cardiff as a Company  
Number / Rhif: 0531 4240*

*Mae ymddiriedolaeth ynni cymunedol canolbarth cymru yn Gwmni cofrestredig yng Nghaerdydd*

# Canllawiau Windfall i ymgeiswyr - 2026



dweud wrthym ba un yr ydych wedi'i wneud, os unrhyw un, ac a ellir trin eich grŵp megis 'endid cyfreithiol' ar wahân i'w aelodau. Mae'r holl ddewisiadau a restrir yn dderbyniol gennym.

Efallai yr hoffech gyfeirio at y canllawiau sydd ar gael yn:

<https://www.resourcecentre.org.uk/information/legal-structures-for-community-and-voluntary-groups/>

## d) Cwestiwn 2.11 TAW

Os ydych wedi ymgofrestru ar gyfer TAW, darparwch eich rhif cofrestru, os gwelwch yn dda. Os felly, bydd modd i chi hawlio yn ôl gan CThEF unrhyw TAW yr ydych wedi'i dalu i gyflenwr, felly ni fydd unrhyw gymhorthdal gennym ni yn cynnwys y swm hwnnw. Onid ydych wedi'ch cofrestru ar gyfer TAW, mae modd inni ddarparu cost y gwaith gan gynnwys TAW.

Hyd 31 Mawrth 2027 (o leiaf), mae "camau arbed ynni" a osodir mewn eiddo lle mae pob gweithgaredd yn gyfreithiol elusennol wedi'u heithrio rhag TAW. Mae'r camau hyn yn cynnwys paneli ynni haul, felly dywedwch wrth eich gosodwyr dichonol am eich statws elusennol (os yn berthnasol) cyn iddynt roi dyfynbris ichi.

Gweler: <https://www.gov.uk/government/publications/vat-energy-saving-materials-relief>

\*\*\*\*\*

## Cymhwysedd Derbynwyr Cymhorthdal – Rhaid i ymgeiswyr fod

- Yn sefydliad cyfansoddedig (gan gynnwys cymdeithasau anghorfforedig syml) â chyfrif banc;
- Ddim yn rhannu elw i fuddiannau preifat; ac
- Â modd ('clo asedau') sicrhau trosglwyddo asedau yn ôl i Windfall neu'r gymuned yn achos diddymiad.

## Gweithgaredd Prosiect Cymwys

- Er budd cymunedau Maldwyn.
- Yn unol â phrif amcan Windfall, sef: "*Er budd y gymuned a diogelu'r amgylchedd er mwyn hyrwyddo a hwyluso ynni cynaliadwy ac effeithlonrwydd ynni.*"
- Yn ogystal, mae gan Windfall rym ariannu addysg a datblygu cynaliadwy trwy weithgareddau eraill nag ynni. Croesawa'r Ymddiriedolaeth unrhyw gais a all

*Mid Wales Community Energy Trust is registered in Cardiff as a Company  
Number / Rhif: 0531 4240*

*Mae ymddiriedolaeth ynni cymunedol canolbarth cymru yn Gwmni cofrestredig yng Nghaerdydd*

# Canllawiau Windfall i ymgeiswyr - 2026



ddangos bod y prosiect yn unol â'n hamcanion. Y mae'r themâu canlynol, fodd bynnag, yn darlunio'r hyn y mae gennym ddi-ddordeb neilltuol ynddo:

- a. Cynhyrchu ynni adnewyddadwy. Gallai gweithgareddau gynnwys gwaith paratoadol (gan gynnwys astudiaethau dichonoldeb a ffioedd) yn ogystal â gwariant cyfalaf.
- b. Effeithlonrwydd ynni / camau cwtogi galw.
- c. Mentrau carbon isel, cydranedig, cymunedol a theithio llesol.
- d. Gweithgareddau addysgiadol tuag at ddatblygu cynaliadwy.

Os yw'r prosiect cyfan i'w weithredu fesul cam, crynhowch amseriadau, ariannu a chanlyniadau'r cam y bydd Windfall yn cyfrannu'n uniongyrchol ato.

## **Ffactorau o fydd o gymorth i'r Bwrdd flaenoriaethu ei gefnogaeth i gais.**

- Faint o ynni a gynhyrchir neu faint nis defnyddir yn flynyddol o ganlyniad.
- Allyriadau carbon a gwtogir neu a osgoir.
- Cefnogaeth gymunedol eang ar gyfer y prosiect.
- Gwerth am arian.
- Budd addysgiadol gan gynnwys unrhyw gynlluniau codi ymwybyddiaeth ynghylch buddion ynni a datblygu cynaliadwy.
- Gwerth/datblygu economaidd lleol, fel cael nwyddau a gwasanaethau o fewn y canolbarth, neu ddatblygu menter gymdeithasol, er enghraifft.
- Adfywio cymunedol, fel sicrhau ffynhonnell enillion a fydd o gymorth i wneud y gymuned yn fwy cadarn a chydlynol, er enghraifft.
- Helpu rhannau o ardal fudd yr Ymddiriedolaeth na chawsant gymorth hyd yn hyn.
- Byddwn yn gweithredu â diwydrwydd dyladwy er mwyn osgoi bod â rhan mewn caethwasiaeth gyfoes cymaint ag y medrwn: dylid ystyried cyrchu paneli haul ffotofoltäig yn neilltuol. Yn achos paneli ynni haul a batris, gofynnwn eich bod chi, wrth geisio dyfynbris, yn gofyn i gyflenwyr ddweud o ble ddaw offer sydd i'w gosod, a'r deunyddiau sydd ynddynt, a sut mae'r cyflenwyr yn lleihau i'r eithaf y perygl fod y rhain yn gysylltiedig â llafur caethweision. Mae gan y [blog](#) hwn gan Big Solar Co-op ragor o wybodaeth am y pwnc.
- Helpu rhannau o ardal buddiant yr Ymddiriedolaeth sydd eto i dderbyn cymorth.

*Mid Wales Community Energy Trust is registered in Cardiff as a Company  
Number / Rhif: 0531 4240*

*Mae ymddiriedolaeth ynni cymunedol canolbarth cymru yn Gwmni cofrestredig yng Nghaerdydd*

# Canllawiau Windfall i ymgeiswyr - 2026



## Amodau Safonol

- Uchafswm y cymhorthdal ar gyfer ardaloedd cyngorau cymuned Carno, Caersws, Trefeglwys, Dwyrw, Llanbryn-mair a Llanerfyl yw £25,000. Ar gyfer y rownd hon, mae Windfall yn disgwyl cynnig grantiau hyd at £12,500, ond efallai y byddant yn cynnig hyd at £25,000 os ydynt yn derbyn cais (am fwy na £12,500) sydd o ansawdd eithriadol.
- Disgwylir cyhoeddi cymhorthdal ar gyfer cymunedau y tu allan i'r chwech hyn yn 2027.
- Gall prosiect dderbyn sawl cymhorthdal gan Windfall os yw pob un cymhorthdal yn cyfrannu at gam penodol o'r prosiect.
- Croesewir cydariannu o ffynonellau eraill, ond nid yw'n hanfodol.
- Fel arfer, bydd cymhorthdal yn amodol ar sicrhau cymhorthdal o unrhyw ffynhonnell arall, a bod tystiolaeth i'r perwyl hwnnw, cyn rhoddir cymhorthdal Windfall.
- Ni ddefnyddir yr arian a roddir at unrhyw ddiben sy'n niweidiol neu'n groes i fuddiannau Windfall neu'i roddwyr.
- Rhaid i dderbynwyr cymhorthdal sicrhau hyrwyddo ffynhonnell yr arian yn gadarnhaol ym mhob cyhoeddusrwydd ynghylch y prosiect, gan gynnwys llechi coffáu neu'r cyffelyb a osodir ar eiddo.

## Beth yw amserlen debygol derbyn yr arian?

- Gellir ariannu'n rhannol wedi derbyn y Llythyr Cynnig Cymhorthdal, os yw unrhyw amodau eraill wedi'u cyflawni, i'r graddau y mae angen blaendaliadau ac ati gan gontractwyr.
- Telir y gweddill, fel arfer, ar ddiwedd prosiect, gan gynnwys adroddiad byr i Windfall. Bydd Windfall, fesul achos, yn cadw canran fechan o'r cymhorthdal hyd nes y darperir adroddiad boddhaol.
- Gwneir taliadau cyfamserol lle bo angen.

## Sut mae ymgeisio

Dylid e-bostio ceisiadau ac ymholiadau at yr Ysgrifenyddiaeth - [grants@windfall.wales](mailto:grants@windfall.wales)

*Mid Wales Community Energy Trust is registered in Cardiff as a Company  
Number / Rhif: 0531 4240*

*Mae ymddiriedolaeth ynni cymunedol canolbarth cymru yn Gwmni cofrestredig yng Nghaerdydd*

# Canllawiau Windfall i ymgeiswyr - 2026



Cylchau a Chyfyngiadau Amser – gall y dyddiadau isod newid. Gwiriwch ddyddiadau ar wefan Windfall - <https://www.windfall.wales/cy/ymgeisio/>

2026	Rownd 1	Rownd 2 posibl
<b>Galwad am geisiadau</b>	23ain o Chwefror 2026	<b>Yn ddibynnodol ar gyllid</b>
<b>Erbyn</b>	<b>4<sup>th</sup> May 2026</b>	
<b>Hysbysu ymgeiswyr o'r canlyniad erbyn</b>	Wythnos sy'n dechrau'r ail o Fehefin	

Penderfynir gan Fwrdd Windfall.

Cyn gallu gwneud cynnig cymhorthdal terfynol, bydd angen darparu'r dogfennau canlynol ar gyfer Windfall. Gellir eu darparu wedi i gynnig amodol gael ei wneud, ond gwell fyddai eu darparu gyda'r cais.

- Ffurflen gais wedi'i llofnodi.
- O leiaf dau ddyfynbris neu amcangyfrif a gafwyd, onid yw amgylchiadau penodol yn golygu y gall un dyfynbris yn unig sicrhau cael y gwerth gorau.
- Dogfen gyfansoddiad ar gyfer y sefydliad a ddichon dderbyn y cymhorthdal, ac unrhyw ddogfennau ychwanegol ynglŷn â Chloi Asedau.
- Datganiad banc dim rhagor na 3 mis oed.
- Cyfrifon archwiledig blynyddol neu gyfrifon rheoli anarchwiledig / datganiad ariannol diweddar.
- Amserlen neu siart Gantt ar gyfer y prosiect.
- Unrhyw adroddiadau dichonoldeb technegol a gafwyd.
- Unrhyw gytundebau les a gafwyd.
- Unrhyw gytundebau ffurfiol â thirfeddianwyr a gafwyd.
- Caniatadau neu drwyddedau a gafwyd.
- Gohebiaeth neu gyngor ysgrifenedig ynghylch cael caniatâd cynllunio.
- Telerau ac Amodau wedi'u llofnodi.

Mae Windfall yn ddiolchgar am y bartneriaeth ers llawer dydd â'n rhoddwr presennol, Amegni Ltd, sydd biau Ffermydd Wynt Carno.

*Mid Wales Community Energy Trust is registered in Cardiff as a Company  
Number / Rhif: 0531 4240*

*Mae ymddiriedolaeth ynni cymunedol canolbarth cymru yn Gwmni cofrestredig yng Nghaerdydd*